

上饒縣志卷之十二

武事志 府武事代錄

兵可不用不可不備設險以守大矣時義封山示禁實地
攸宜歷稽往牒草竊時滋

熙朝化日莽戎罔伏人樂春臺含舖鼓腹志武事

廣信府

三國

吳八年孫權使呂範平鄱陽彭綺作亂鄱陽太守周魴生擒
之中郎將周祇乞於鄱陽召募事下問陸遜遜以為此郡

上饒縣志

武事
卷十二

易動難安不可與召恐致賊寇而祇固陳取之郡民吳遠

等相率降 攷江西新

唐

寶應元年壬寅秋九月台州賊袁晁陷信州

豫章書

廣德元年李光弼部將張伯儀討平袁晁

綱目

元和二年冬十月削李錡官爵屬籍徵江西兵出信州

唐書

乾符五年戊戌春二月王仙芝餘黨陷洪州黃巢陷虔吉饒

信等州

通鑑綱目

廣明元年庚子正月淮南將張濬及黃巢戰於大雲倉敗之

四月潞克饒州五月潞及巢戰於信州死之

僖宗本紀

豫章書云張潞渡江擊賊帥王重霸降之屢破黃巢軍巢退保饒州別將常宏以其眾數萬降潞攻饒州克之巢走屯信州遇疾疫卒徒多死潞急擊之淮以金昭潞且致書請降於高駢求保奏駢欲誘致之許為求節鉞時昭義感化義武等軍皆至淮南駢恐分其功乃奏賊不日當平不煩諸道兵請悉遣歸賊知諸道兵已北渡巢乃告絕於駢且請戰駢怒令潞擊之兵敗潞死巢勢復振

天祐四年丁卯

四月梁代唐

冬十二月楚王殷遣兵攻信州刺史

上饒縣志

武事卷十二

二

危仔昌乞師於吳越

十國春秋

按危仔昌通志載其兄全諷王封廟食仔昌典四州俱多政績子德昭易姓為元入仕吳越官揆席有賢稱與唐僖宗本紀及張傳傳所載事蹟互異附識於此

五代

唐天祐六年己巳

唐亡於四年晉收淮南猶稱唐天祐六年乃梁開平三年

秋七月歙州

刺史陶雅使其子敬昭及都指揮使徐章將兵襲饒信信州刺史危仔昌請降淮南以左先鋒指揮使張景思知信州遣行營都虞侯骨言將兵五千送之危仔昌聞兵至奔

吳越 豫章

後唐長興四年癸巳 吳太和五年 冬十一月吳信州刺史蔣延徽

引兵攻建州 通鑑綱目

秋七月閩建州土豪吳光帥眾來奔且請兵冬十一月信州

刺史蔣延徽引兵會吳光攻建州 十國春秋

齊王開運三年丙午 南唐保大四年 秋八月陳覺擅發撫信州兵趨

福州 十國春秋

後漢隱帝乾祐三年 庚戌仍高祖號南唐保大八年 冬十一月邊鐫統信州

屯兵以覘楚 南唐書

上饒縣志 武事 卷十二

宋

建炎四年四月辛丑王德破妖賊王宗石於信州貴溪縣執

其渠帥諸縣悉平七月己巳詔王瓊部兵屯信州八月丙

戌命李捧便道過信州招捕斬賽戊子以饒信妖賊平赦

二州徒以下囚蠲民今年役錢 宋史 以上前志

宋劉光世屯九江遣王德平信州妖賊王念經行次饒州會

賊劉文舜圍城引兵赴之文舜降乃謂諸校曰念經聞吾

軍留必不為備遂倍道而趨一鼓擒之 攷江西大志增

攷宏簡錄王德傳初德在信州擅殺世忠所遣親將陳

彥章還爲世忠所訟當死帝特原之編管郴州光世屯

九江以便宜復德前軍統制饒州賊劉文舜圍城德引

兵往赴誅之自餘請降不戮一人貴溪妖賊王宗石以

念經爲名時在信州德倍道鼓行而前擒獻於朝以上

二十年庚午夏四月信州妖賊黃曾等作亂陷貴溪縣江西新增

兵馬鈐轄李橫等討平之宏簡錄

景定二年辛酉秋八月謝枋得募民兵守信州豫章書

元

至元十一年乙亥謝枋得以兵逆呂師夔戰敗走入安仁調

上饒縣志 武事 卷十二

四

淮士張孝忠逆戰團湖坪中流矢死師夔下安仁信州不

守枋得棄妻子入建寧唐石山宋史

二十六年己丑秋七月誅信州叛賊鮑日惠等三十三人元史

至正十二年壬辰春二月徐壽輝僭號天完僞將項普畧陷饒州

路遂陷信州以浙江行省左丞亦憐眞班爲江西行省左

丞領兵收捕饒信賊十二月以信州克復赦誅誤者蠲其

夏稅秋糧元史 以上前志

是年妖寇自淮右延蔓及江東西詔浙江行省參知政事

蘇民爵總兵於饒信克復一路六縣攷江西新志 增

三月賊陷信州執于大本不屈死元史

十九年己亥夏六月天完將陳友諒攻信州元江東廉訪使

伯顏不花的斤往救死之綱鑑續編

伯顏不花的斤傳入藝文

二十年庚子夏六月明兵取信州路元史

二十七年丁未明太祖吳元年何深獲陳友定守將張子玉因請發

廣信撫州建昌三路兵規取入閩太祖喜曰子玉驍將擒之則友定破膽乘勢攻之必克乃令廣信指揮朱亮祖由

鉛山建昌左丞王溥由杉關會深齊進明史

上饒縣志

武事卷十二

明

正統十年浙江處州賊王能鄭祥四倉大頭葉宗雷聚眾千

餘人掠永豐巡按會同都司調南昌衛廣鉛二所官軍及

六縣民壯與王能等戰官軍被殺者甚眾永豐令鄧顯老

人余斌入山招撫王能三十五人聽命給以劄付以永豐

二十四都瘠荒地給與開墾耕種充快手協同六縣民

壯於永豐之橫山頭設教場都司翁統集二所官軍以時

操閱以鈐制之王能既降計誘鄭祥四倉大頭等三百餘

人悉斬於永豐十五都獨宗雷與部下遁去鉛山志

十二年十月葉宗雷復聚餘黨數百人招龍泉良葛山葉七為教師由浦城流劫建陽所過焚掠分眾扼守鈴之車盤嶺行旅斷絕閩賊鄧茂七亦起邵武命都御史張楷督軍務偕都督劉聚副陳榮帥師討之至廣信宗雷率其黨時

出抄掠軍不敢進

鈴山志

十三年戊辰張楷令指揮戴禮率兵五百剿賊十一月賊至黃柏鋪戴禮擊之死傷相半宗雷衣緋率眾前中流矢死官兵不知為宗雷也賊退入山復擁葉希八為渠帥劫車盤嶺率眾駐十三都楷命陳榮帥二千人與戴禮合榮至

上饒縣志

武事

卷十二

六

鈴之祝公橋賊聞風用計誘入周道塢宋家磔兩山埋伏首尾相擊官兵大敗榮禮皆死榮馬自十三都躍入縣堂

三跳而死

鈴山志

十一月十五日浦城何縣丞率軍快數千永豐知縣鄧顯亦率本府六縣民快與希八合戰橫山敗績顯被執死之鎮守侍郎楊寧調南昌前衛及廣鈴二所官軍招集六縣民壯會於橫山迷不識路不能深入相持數月

鈴山志

十四年遣尚書金濂寧陽侯陳懋保定侯梁瑤平江伯陳豫等率京營及南直江浙等兵討之濂與懋移兵駐廣信分

道人福建未至希八乃使人從鉛弋間道厚自結於茂七互為聲援此入彼出官軍首尾不能相應

鉛山志

十四年二月張楷兵至廣信賊黨圍延平甚急楷馳檄諭以威信賊果率兵至鉛山圍張樂調都督劉德新乘夜襲之皆潰茂七僅以身免退保陳山

大政記

僉都御史張楷招降張由孫羅汝先等誘茂七出戰中流矢遂斬之擒其姪伯孫與家屬俘獻京師希八勢孤亦出降始知前黃柏鋪緋衣中流矢死者乃宗雷也賊平楷遂班

師鉛山志

上饒縣志 武事 卷十二

七

按招降賊黨斬獲茂七者實由御史丁瑄而楷攘其功也詳見明史列傳又明史載遂昌民鄭仕本斬賊首葉宗雷事在十四年與此互異

成化元年乙酉廣信妖賊妄稱天神惑眾捕戮其魁立解散

明史林鶚傳

十五年山賊劉陳在廣豐平洋坑鑿山燒灰妄言銀鑛之利誘煽閩賊聚近萬採鑿既無所得遂劫掠居民焚蕩室廬殺傷官軍及知府謝士元死者相枕藉道路

視廷璿奏議

嘉靖三十九年廣閩賊犯撫州及鉛山巡撫胡松提兵直抵

信州去賊百里一晝夜竟達撫州諸路並進擊賊大破之

江西以寧 豫章書

四十一年壬戌流賊張忠洪都等由閩犯廣信委千戶桑鳳

守備鉛山分水關計擒巨寇百餘人 通志

皇清

順治三年丙戌夏四月我兵破廣信先是黃道周督兵出江

西詹兆恆以兵侍協守廣信御史周定仍以右僉都巡撫

其地王得功破安仁貴溪定仍督副總姜天衢戰蓮湖我

兵小卻已戰小箬渡及河口遂大捷城破定仍自縊死兆

上饒縣志

武事 卷十二

八

恆奔懷玉山 紀事

八年辛卯秋八月傅鼎銓至廣信張村爲我守將所執江撫

夏一諤諭降不應殺之

康熙十四年三月十七日閩中變起弋陽知縣陶耀聞之請

調饒營兵疾赴鉛山先據崇安關以遏其出犯之路久不

至四月二十三日廣營參將柯昇叛移營永豐之鐵山自

入閩受僞都督官導寇出五月初六日饒營守備汪某奉

調至弋陽聞廣營已變引兵急趨之至快活嶺遇柯逆別

部戰敗走回營於弋西之軍營坂於是不軌之徒相率而

起廣信知府高夢說無兵不能拒十一日與同知侯七乘
奔赴弋陽居一日賊眾尾至弋民竄徙一空夢說等遂偕
陶令赴省二十二日汪守備亦走貴溪把總張名揚者故
在柯逆標時雖委防弋陽而家猶在郡柯逆既叛拘名揚
之子馨及其家屬以爲質脅之名揚遂受僞遊擊二十九
日率賊兵入弋陽六月閩逆遣僞都督羅其熊僞威武將
軍葉隆恩僞參軍申繼祖僞遊擊姚文德張森及林振東
李蓬頭之屬先後至弋眾數萬人鱗屯四郊江省總兵趙
聞變遣其子趙某將兵圖恢復方抵貴溪而姚羅諸寇已

上饒縣志

武事
卷十二

九

至趙某遂與貴溪城守揚名饒營守備汪某共擊之小捷
殺賊數百人已而賊大至趙某戰死揚名汪某率餘兵退
貴溪遂陷而饒營副將程鳳又叛七月諸賊以饒信地不
足慮遂分遣林振東據東鄉李蓬頭據安仁餘寇進至樂
平分爲二道羅其熊率姚葉等由婺源走休寧申繼祖率
張森等自浮梁趨祁門張名揚從焉刻期共會於徽州襲
據其城八月僞令周應召自閩至弋九月巴額二將軍從
江西出師大破賊兵復徽州諸賊戰敗退回樂平張名揚
返弋營於西鄉之塔岡先是附逆領袖者甚眾已而戰敗

紛紛逃匿耿逆聞之謂烏合之眾易潰不可用遣僞宣納
司馮某僞都尉吳某率精賊二千助戰且令徧詣諸賊營
汰除冗卒散遣之又遣僞分守湖東道金興國及其弟僞
將金鎮國至弋令推捕敗逃之員將治以法興國至惟借
以索賄賄入即免弋城無賊兵僞令周應召以大寇在樂
平供運礮械日役數百人民甚苦之

十四年乙卯春三月巴額二將軍帥師征廣信

饒州
事考

弋陽志云是年耿逆遣僞兵曹蔣得軫僞將軍徐某將兵
三千至弋營於東關令僞將金鎮國等營於西關立法訓

上饒縣志

武事
卷十二

十

練爲再舉入寇計得軫絳蟒金幘貴侶甚其教士用古陣
法圖縱百姓聚觀有同劇戲識者笑之巴額二將軍息兵
徽州已久羣賊意懈至是進收浮梁五月二十六日自浮
梁趨樂平羣賊倉皇迎戰於石頭街大敗退回弋陽二十
七日二將軍乘勝走間道直抵篔簹埭夜拔營由花亭僻
徑潛師壓賊壘二十九日黎明西關賊將金羅姚張等率
眾八九萬前薄大軍大軍小卻斂兵退而柯逆又自府來
援二將軍謀知之復潛師東行繞出其後反擊之於晚港
柯逆大敗走回廣信二將軍取其旗直趨蔣營蔣以爲柯

逆來援也不之備既而飛礮入營中乃知爲大兵倉皇繞營走時方大水賊自相蹂躪及溺死者數萬人僞吳都尉僞馮宣納死於水金鎮國死於陣蔣得軫策馬亂流適遇浮木憑之以濟與姚羅諸賊走入閩閩五月初三日巴額二將軍進取府城柯逆遁僞左將執而斬之當是時永銘皆賊壘而衢州之九龍山又屯重寇出沒江山草坪間二將軍以孤軍據一府力抗東南兩面之賊不能西顧賊當大創之後亦不敢居城郭興弋以西虛無人弋村民慕義者齎牛酒輸糧糗以申誠款七月知縣薛巖起至弋無民

上饒縣志

武事
卷十二

十一

無署寄居府城時弋經百戰暴骨滿野自五月後溪水腥穢不可食僧雪嵐竭數月之力收而聚之天師墳前雜亂不可以軀計數其髑髏得一萬三千二百餘七月十五日分埋義塚先是僞勅遠將軍朱統錮九月初三夜遣僞都督徐達榮等乘虛突入弋城焚燒縣堂及諸官署民居俱盡時統錮屯南鄉張名揚屯北鄉統錮迫民爲兵不從者輒殺之又勒其助餉張名揚尚不妄殺北鄉之民避難者尙多全活

貴溪知縣畢士俊申請援兵總督董衛國發營將佟國棟曹

得成協同畢士俊原駐防楊名帶領鄉導十二月乘雪夜
直抵賊營賊不及備大破之朱統錕隨遁入閩境賊眾始
解居民漸有歸者

貴溪 以上
前志

十五年丙辰春正月耿逆偽將軍郭忠孝自九龍山率賊眾
由廣豐至廣信水南一杯亭巴額二將軍出兵抵殺賊眾
不敢渡河三月二將軍奉調回省知府高夢說隨行七邑
復為賊踞八月康親王大兵由衢入閩十一月浙督李之
芳發兵由玉山至廣信招撫各屬始復安堵

舊志

弋陽志云是年三月初一日巴額二將軍兵赴省府城空

上饒縣志

武事
卷十二

十二

虛復為偽襄武將軍所據而張名揚亦入弋陽蔣賊敗遁
之日偽令周應召走鉛山至是復來朱統錕亦欲據城而
為名揚所先憤甚糾合偽都尉白顯忠大掠弋郊名揚盡
收郊外之民閉城拒守統錕顯忠畱屯三日周應召曲諭
之乃解去時閩逆以徽饒事屬白顯忠令張名揚聽其節
制顯忠召名揚至德興將再出見閩中逆勢已絀遂不果
六月名揚棄顯忠歸弋畱屯兩月以城中糧盡就食北鄉
屯於石壠十月病死其部下猶萬餘人共推名揚之弟曰
曦日曦曰能從我歸正則可眾許諾日曦乃領之是時康

親王率大兵已入閩關閩浙督李公之芳發兵收復玉山
段總兵亦自浙來收廣信廣營中軍楊名故與日曬善數
言之於總督總督令干總王德功持薛令書召之十二月
日曬攜其兄偽總兵印并率其兄子馨悉眾投誠前志
十八年己未提督許貞移鎮廣信調發官兵會同浙督標兵
進剿攻破八礮等處賊巢斬馘不計其數舊志

二十一年壬戌夏四月海宇清寧四方蕩平奉

命沙汰冗兵適有調鎮信州軍所轄皆新附卒聞風即譁聚眾
走險踞封禁山為巢七邑驚駭知府孫單騎赴任默為籌

上饒縣志

武事 卷十二

十三

畫馳檄各邑聯絡堵禦眾遂瓦解

鉅山志

二十八年己巳建昌有吳讓僭亂率黨入郡界知府馮協一

偵知會同城守參將王志率兵撲勦擒獲吳讓解省

上饒志

上饒縣

漢

建安十年乙酉權使賀齊討上饒分為建平縣

三國志

唐

代宗初張鎬為撫州刺史遷洪州觀察使更封平原郡公袁

晁寇東境江介震動鎬遣兵屯上饒斬首二千級

唐書增

未

嘉定四年辛未賊屯沙溪鎮統制關師古自江東討賊還與

喬仲福王德會信州賊聞之還屯衢信間

宋史 以上前志

元

至正二十年六月偽漢傾國入寇太祖命胡大海出兵擣信

州以牽制之大海率師靈溪城中步騎數千出迎戰擊敗

之督兵攻城守者不能支眾潰遂克之改信州為廣信府

以大海子德濟為行樞密同僉守之

攷江西新大志增

二十一年辛丑春三月陳友諒遣其將李明道寇廣信據草

上饒縣志

武事卷十二

十四

坪遏浙東援兵胡德濟遣夏德潤出兵奪其墩戰死賊又

保玉山胡大海部繆美聞之來援與賊戰於東津橋遂復

玉山抵廣信絕明道歸路明道圍廣信急德濟兵少嬰城

守遣使求援於父大海大海率師由靈溪進李文忠亦遣

兵援之德濟聞援兵至引兵出城與大海夾擊明道擒之

及其宣慰王漢二大海送明道漢二於文忠建昌守將王

溥漢二兄也遂歸附俱送建康太祖釋而用之

明前史志

攷江西大志至正二十一年六月偽漢將李明道率兵五

萬寇廣信守將胡德濟以兵少閉城固守遣人求援於父

大海大海即率師由靈溪以進德濟聞援至乃引兵出城
與大海夾擊大破之擒明道及宣慰王漢二并士卒千餘
人獲戰馬器械甚眾

按明史載春三月陳友諒遣其將李明道寇廣信大志
載六月偽漢將李明道率兵五萬寇廣信蓋明道以三
月入寇據草坪至六月方圍廣信急故明史紀其入寇
之時而大志紀其圍信之月以上
新增

明

宣德七年浙江豪民項三等聚眾潛入銅塘又於包公尖橫

上饒縣志

武事
卷十二

十五

山頭洪山坑等處起立鑪場聚眾萬餘因而流劫居民周
茂傑焚掠尤慘撫按會同福建都司合兵擒誅餘黨乃平

舊志

嘉靖二十七年戊午七月廣東袁三叛寇玉山旋寇永豐執

主簿陳璉提督張以巡檢徐松領鄉兵至戰於鄭家坊上饒

地名 不克死之賊渡分水關入閩呂懷建
城碑記

四十年辛酉七月流賊袁三即袁鳳等破玉山順流而下時攝

縣事推官姚篚府志作掌
貴溪縣事 阨塞之十月閩廣流賊從火燒

嶺突入邑南岡湖山即江
游山 焚掠一月居民奔竄守道楊守

魯以兵逐之至弋陽為參將戚繼光所殲

皇清

康熙十三年甲寅春三月耿逆警告廣信城守副將柯昇於

四月二十四日挾標下兵目反奪城出由永豐至二渡關

駐紮五月昇遣偽將分路圍城知府高夢說同知侯七乘

突圍奔省府屬七邑俱為賊踞

通志

十六年丁巳二月大軍抵省知府高夢說復任不踰時又有

逆賊江拐子蘇百文盤踞上饒南鄉錢村日出剽掠

前府以上志

十七年戊午春三月提督趙賴移駐廣信與浙省兵會剿王

上饒縣志

武事

卷十二

十六

山賊攻破老鼠洞入仙洞烏風洞渠魁何秉誠率眾歸順

議勦江機會賴調往攸縣賊復鳴張八月總督董衛國親

臨撲剿攻破錢村封禁山賊巢勢窮乞降偵得衛國有征

楚信遂匿不出既旋師江機楊一豹熊文生蘇百文張聞

魁呂貴陳輝羅有喜李日昇等結寨聚糧殺掠愈甚

舊志

逆賊江拐子蘇百文盤踞廣豐十五都龍公坑及上饒錢村

等處日出剽掠二月十七日拐子統賊駐屏風山焚劫水

南防守把總會龍堵禦中礮死郡城中軍莊亮領兵至賊

乃遁

廣豐志

十九年庚申夏五月逆賊江機楊一豹相繼投撫江西全省

餘寇盡除

江右教 以上
每疏畧 前志

二十四年乙丑有薛道士者潛入上饒四十六都以妖術惑眾散劄倡亂招集亡命陳扁頭等數百人流毒鄉村官兵協同南鄉都綱撲剿追至博嶺地方斬數十級薛道士陳扁頭皆授首餘黨潰散地方以寧

舊志

咸豐五年乙卯三月四日粵逆攻陷弋城經曾節帥調遣甯紹台道羅澤南率兵三千來援於十九日與賊戰於弋之西關外擊斃賊黨數百人賊勢蹙膽落竄往興安嗣與婺

上饒縣志 武事 卷十二

源

分出 股匪

會合遂由大路口回竄於二十三日直逼郡城城

上槍礮齊施轟斃范姓賊首奈兵力單弱首尾不能兼顧賊遂由城北梯入夾攻邑令蔡中和巷戰死焉教授雷封

經歷姚益謙典史江錫綸奉委守城之貴溪縣丞洪立成俱同時遇害官軍居民受屠戮者不下二千人而城遂為

賊踞矣二十五日羅道憲澤南安慶守李續賓撫州守林福祥會同前經出堵貴溪之袁郡守泳錫擁大兵踵至駐

營城西十里之烏石山二十六二十七兩日賊疊次出隊衝突我兵

分

三路迎擊使賊腹背受敵兼之鄉民來觀者眾

羅悉令齊聲大呼以壯軍威賊遂潰敗我兵乘勝追擊死者無算賊計無復之遂於是夜潛出東門由玉山開化竄向徽州而去郡境得以肅清

按羅公諱澤南號羅山楚南湘鄉優廩生夙崇正學力宗程朱著有小學韻語西銘雜說二書待梓蓋近今一醕儒也嗣因粵逆猖獗倡率生徒集團靖難轉戰四方屢樹奇勳克城數十殲賊數萬又近今一名將焉咸豐乙卯春暮弋邑郡城均陷於賊公至立平時駐軍城西烏石山戎務倥傯講學不輟絃誦聲昕夕徹甲帳越明

上饒縣志

武事
卷十二

十八

年丙辰返楚剿賊爲謀中傷昇歸營次神色自若毫無痛楚哭泣態淡旬瀕危猶諳諭門徒李續賓等迅圖善後代終厥志移時遂歿事上得

旨優卹予諡忠毅二子

欽賜舉人一體會試我郡聞訃感泣請與鎮軍饒公合建專祠以報焉

六年八月初二日粵匪由瀘犯信廩生郭守謙率廣義軍駐防貴溪因孤軍無援戰死於張家橋賊遂乘勝分擾一竄弋境一撲鉛城而左右軍曾守誠等復於鉛之雙港被賊

截擊殺傷過半賊因謀窺郡治突於十一十二兩日分道揚鑣一由太平橋長驅逼城一由石溪散屯汪家園楊家湖疇口等村接應先是郡伯沈葆楨謀知賊情瀝血作書飛遞衢防密告饒鎮軍廷選饒得書刻卽領兵來援先賊半日入城少頃賊至繞城數匝饒部將畢定邦賴高翔胡定國等勇悍絕倫每戰必克賊知城堅糧足將勇兵精萬難取勝忽於十六夜解圍竄擾興安葛源一帶徑奔徽郡邑民始漸安業

按饒公諱廷選閩侯官人以勞績懋著疊膺獎敘任貴

上饒縣志

武事
卷十二

十九

州安義總鎮旋卽赴浙畱駐衢防咸豐丙辰領兵援信危城獲保返浙晉遷提督辛酉冬仲賊陷杭城力戰殉難我郡聞訃悲悼請與羅忠毅公合建專祠以薦馨香焉

按賴公諱高翔閩南平和人持躬謹飭武畧絕倫從戎靖難屢立戰功尋補遊擊咸豐丙辰隨營援信聲威赫著畱籌廣饒軍務始克樂城繼防弋邑動中機宜踰年撫賊傾巢出金溪福帥聞警命公領兵二百堵鯨鮪灣賊覺繞道趨河鎮我軍被隔文報不通公慮郡城危急

兼程回援敗賊石塘嗣賊偵公兵單誘公渡河設伏環
攻公在重圍鏖戰多時力竭陣亡事上得

旨優卹

例授武翼都尉當經鉛邑胡聞戎驗收遺骸烈氣如生旅櫬將

歸城鄉士民各製輓軸哭奠餞送附祀羅饒二公祠

八年二月撫建大股賊匪傾巢東竄偵知我郡有備不敢犯

城遂散竄邑之南鄉沿途焚掠雖三家村不免時各都俱

奉 憲諭集團禦賊奈山深徑僻接應維艱又素未臨陣

不諳紀律死者無算而田墩黃柏墩黃澤橋游鵬船坑等

上饒縣志

武事
卷十二

二十

村疊經擊賊被害尤烈

七月浙閩敗匪楊輔清擁眾數萬自江山之清湖浦城之阡

陽迤北突入玉西蘇村隘口時上玉興毗連各都團丁正

在堵截奈眾寡相懸力難制勝遂致潰敗民人辜采燮辜

采旺賴新和童秋發周學餘等死之而賊遂由靈江湖鄭

家坊一帶沿途裹脅徑達黃土嶺竄往德興界當經鄉團

伏險截擊殲斃偽先鋒偽護將各一餘匪數十奪獲軍裝

器械多件稟繳道署

按上玉興毗連各都僉奉 憲諭一氣聯絡籌費築釐

峯龍津銀嶺蘇村黃土嶺崇山關界牌石柘嶺頂各隘
及南峯塘私寨并招集團丁勤加訓練循環梭探每一
聞警卽裹糧持械徧赴防堵又粵匪盤踞沙溪妖匪屯
聚焦坑疊經出力助剿是月防守蘇村隘口又經血戰
連斃多命尋復伏險截擊以挫賊鋒屢著勞績出力紳
民仰荷 憲恩疊膺獎敘

九年六月撫軍覺羅耆齡飭前守沈葆楨任巡道籌防而以
記名府鍾世楨代攝府篆尋經補實甫莅任卽添募民勇
六百人號禮字軍諭上饒各都籌辦糧餉每歲需銀二萬

上饒縣志

武事

卷十二

二十一

五六千餘兩不等特幹紳彈壓朝夕訓練紀律嚴明城廂
深資保衛是歲境內無賊蹤

十年三月髮逆自贛州遠來窺伺我郡於十四日屯聚邑南
之上瀘坂十五日竄擾廣玉一帶而去

十月粵賊復自南贛撫建直犯河鎮連踞十日四散擄掠二
十二日擾及太平橋廩生徐鍾昊被執不屈死之二十九
日賊全股由石溪至皂頭迤邐而東突逼沙溪鄉民驟不
及避殺傷甚眾生員鄭光斗鄭忠謨監生鄭宗堯義不降
賊均遇害踰日賊忽竄往玉山開化境內以平

十一年辛酉正月偽將李秀成率匪萬餘自浙之常山徑撲
玉城不克遂迤邐南犯廣豐之洋口郡伯鍾世楨會同在
防觀察屈蟠先伏兵於胡塘山以堵截其入寇之路十一
日賊果由港口渡河抵皂頭坂我兵出隊迎擊殺傷各半
賊忽分道而馳一涉白鶴渡逼西門一踰灘頭河窺南門
我兵諜知賊情急收隊入城嚴守兩門賊至不得逞遂由
針工橋龍潭兩路分竄而去十二日邑境乃清

按屈公諱蟠號見田湖口人績學能文登拔萃科嗣因
督團剿賊有功晉秩觀察咸豐庚申領兵來信駐防兩

上饒縣志

武事
卷十一

二十三

載深資保衛尋赴章田渡平賊疊冒風霜雨雪積勞成
疾殞於樂平營次訃至民感且泣合詞上請附祀羅饒
二公祠

五月巨寇汪海洋童大羅率花旗賊數萬由汀州徑犯我郡
二十三日抵鈴之湖坊踞焉時出剽掠郡守鍾世楨急撥
在防副將顧雲彩領所部兵列營黃沙港南岸又另遣禮
字軍中營統帶高鍾奇率兵二百列營河鎮水南各將礮
船分列水次截賊渡河之路無何另股巨逆李秀成復自
湖北回竄鍾守先期偵得馳告景防左軍奈左戎務倥傯

未卽分兵來援賊遂益肆猖獗八月初四日李逆自安仁北渡前行於十二日直撲郡城先是鍾守以寇警頻來援兵未至亟調鄉防各兵入城保衛賊至見守備嚴密無懈可擊遂於十八日由北鄉一路竄去而湖坊一股亦於十八日由邑之南鄉蔓延而來各村居民不下十餘萬人盡避入銅塘深處賊恣意焚掠殆無虛日至二十七日漸次竄往廣玉兩縣邑境始無賊蹤

同治三年甲子正三八等月髮逆連竄郡境偵知有備均未犯城當衝鄉村疊遭蹂躪

以上
新增

上饒縣志

武事
卷十二